



UNIVERSITÄTS-
BIBLIOTHEK
PADERBORN

**De Ortv Et Progressv Ac Viris Illvstribvs Ordinis
Gloriosissimæ Dei Genitricis, semper Virginis Mariæ de
monte Carmelo**

Trithemius, Johannes

Coloniae Agrippinae, 1643

Cap. VII. Carmeliticarum rerum Scriptores. Auctores Ordinis Carmelit.

[urn:nbn:de:hbz:466:1-64495](https://nbn-resolving.org/urn:nbn:de:hbz:466:1-64495)

S. EUTYCHIVS generalis Carmeli Abbas. Hic ^{17. Octob.} Meletium, postea Episcopum Antiochenum, ad fidem Christi & Carmelum adduxit: Sanctum quoq; Basilium Sacrae huius Religionis habitu inuestiuit; cuius duo fratres Gregorius & Petrus, necnon S. Amphilocheus, S. Gregorius Nazianzenus, Eubulus, Ioannes Chrysostomus, S. Cyrillus, qui postmodum fuit Patriarcha Hierosolymitanus & Eutychiei successor in generali Carmeli praefectura, eiusdem S. Eutychiei tempore in diuersis Cœnobijs Religionem hanc professi sunt, teste Paleonydoro & alijs. Eius Festiuitas 17. Octob. peragitur iuxta Molani Martyrologium.

B. FRANCIVS Senensis, Deiparae Virginis cultui *Plures* deditissimus, Cremonæ in Italia claruit circa an- *Sanctos* num 1371. teste eodem Paleonydoro. *Ord. Car-*

Omitto B. Angelam Bohemæ Regis Filiam, *mel. repe-* B. Ioannam, B. Annam virgines Tholosanas, B. Ma- *ries in* riam Magdalenam de Paz, quæ obiit anno 1607. *Elogio su-* B. THERESIAM, aliasq; virgines sanctimonia vitæq; *pra posito.* integritate illustres: de quibus Paleonydorus, Didacus Coria, Ribera, Iepesius, & ceteri rerum Carmelitarum Scriptores consulendi.

CAPVT VII.

Carmeliticarum rerum Scriptores.

DÈ rebus Carmeliticis qui scripserint libet Coronidis loco subnectere. Sequar autem alphabeti seriem, confusionsi vitandæ.

AVTORES ORD. CARMEL.

Agidius Fabri Belga scripsit *Ordinis sui Chronicon*, & alia quamplurima. Floruit anno 1506.

S. ALBERTVS Patriarcha Ierosolymitanus Regulam Carmelitis ex S. Basilij Cæsariensis in Capadocia Episcopi, & B. Ioannis Patriarchæ Ierosolymitani

lymitani scriptis concinnauit: in quam extant Guilielmi Samuci, Ioannis Soreth, Thomæ à lesy, Francisci à S. ELIA aliorumq; commentarij.

Albertus Czepelius Polonus scripsit metro & eleganti prosa vitam B. Mariæ Magdalenæ de Pazzis, *libr. II.*

S. ALBERTVS *Drepanita* Siculus scripsit præter alia permulta, de *Regula Ord. sui* lib. I. Et de *eiusdem progressu* lib. I. Claruit an. 1292.

Alphonsus ab Alfama Lusitanus, scripsit de *Ord. sui progressu* libr. II. Et alia non pauca. Floruit an. 1438.

Alphonsus à matre Dei, plura scripsit de *Sanctis sui Ord.* & de *Confraternitate B. MARIÆ Virg.* de monte Carmelo.

Alphonsus Nauarrus Hispanus, scripsit de *singulari priuilegio Bullæ sabbatinæ.*

Angelus le Blanch Sabaudus, edidit de *vita & miraculis S. Angeli martyris* Ord. Carm. libr. III. Carmine. Et de *celeberrima Confraternitate sacri Scapularis* lib. I. Et alia quædam.

Angelus Sagarro Cathalanus, scripsit opus insignè de *Viris illust. Ord. sui.*

Angelus de Salazar Hispanus, scripsit in *Regulam Carmelit.* lib. I. & *Statutorum Regularium* lib. I. Obijt an. 1582.

Angelus Spenel Gallus, edidit *Paradisum terrestrem* Ord. Carmelit. & orationem in laudem S. M. *Theresia.* & alia complura.

Antonius Oliuan Hispanus, scripsit discursus elegantes & eruditos de rebus & excellentijs Ord. sui. Item de *priuilegio Bullæ sabbatinæ.* Et alia permulta.

Arnoldus Bostius Gandensis, scripsit de *Viris illustribus sui Ordinis.* & de *patronatu B. Mariæ virg. de monte Carmelo erga suam Religionem,* & alia plura, tum vineta, tum soluta oratione. Floruit anno 1494. teste Trithemio, obiitq; nisi fallor, in tractu

tractu Moguntino, à Superioribus eò ob doctrinam euocatus.

Aust. Farnetanus, scripsit *Amphitheatrum Elie*.

Baptista Ferrariensis Italus, scripsit præter alia complurima, *Chronicon sui Ordinis*. Claruit anno 1494.

Baptista Mantuanus, Philosophus, Orator, & Poeta celeberrimus, edidit varia, quatuor Tomis distincta & Antuerpiæ an. 1576. per Bellerum auctius atque emendatius edita, studio *Laurentij Cuperi*, Carmelitarum in Belgio Prouincialis præfecti. Sunt in his multa de *Sanctis Ord. Carmel.* versibus conscripta, itemq; *Apologia* pro Ord. Carmelit. & alia.

Bernardus à Montesa Celtiber, scripsit *Elucidationes* in librum *B. Ioannis* Patriarchæ Hierosolym. de institutione Monachorum in lege veteri exortorum, & in noua perseuerantium, id est, Carmelitarum. Item in librum *Philippi Ribotti* de peculiaribus gestis Carmelitarum, & alia quædam. Claruit an. 1458.

Bernardus Ollerius, siue *Ollensis* Hispanus scripsit de *Ordinis sui origine* libr. 1. de immaculata *B. Mariæ Virg. Conceptione*, & alia. Obijt an. 1388.

Blasius Palucius Polonus, scripsit de *Antiquitate, Prouincijs & Monasterijs Ordinis sui* libr. 1.

S. Brocardus Hierosolymitanus secundus Generalis Prior Carmelitarum, scripsit *Ordinis sui Canonum* libr. 1. *Statuta in Carmelo facta*, libr. 1. & alia quædam.

Camillus Ausilius Italus, scripsit *Summarium antiquitatis Carmeli.* libr. 1. Item de *Præuilegijs & Indulgentijs Ord. sui* libr. 1. Extant excusi Neapoli & Venetijs an. 1602. & 1607.

Christophorus Auendagno, scripsit præter alia complura, *Mariale*, & *Sanctorale*, in quibus multa habet de suo Ordine. Huius sapientissimi Viri

scripta tanti ab omnibus habita sunt, ut præterquam quod eorum multa, ipso adhuc superstite, prælis quatuordecim vicibus recusa, in Hispaniarum regnis vulgata fuerint: totum lustratura & illustratura orbem, varijs data linguis, Orientis & Occidentis Indos, Italiam omnem, Galliam, atque alia in Regna Iteratis typis peruolauère.

Christophorus le Roy Armoricus, edidit *Hortum precum S. Theresiæ in Festiuitates solennes B. MARIÆ Virg.* Parisijs an. 1604. Item vitam *Vener. Franciscæ de Ambrosia*, Ducissæ Armoricæ Ord. Carmelit. Et *Ardore eiusdem Ducissæ* carmine, ibid.

Christophorus Syluestranus Veronensis edidit præter alia complura quæ recenset *Posseuinus*, de excellentijs sacri Scapularis à Beatiss. MARIA Virgine *S. Simoni Anglica* dati, & inconfutilis togæ Christi, comparatione q; cum illo, *Tractatum* eruditione, subtilitate & spiritu plenissimum. Item vitam *Ven. Petri Cernouichij* Principis, postmodum *Carmelite*.

Conradus Alpentorpius Germanus Episcopus Azothenis, scripsit *Posseuino* teste, vitam *S. Cyrilli Doctoris* Ord. Carmelit. Floruit an. 1390.

Conradus Tremonius scripsit *Catalogum* Virorum illustrium sui Ord. lib. 1. Floruit an. 1419.

S. Cyrillus Constantinopolitanus Prior generalis Carmelit. Prophetiæ spiritu clarus, scripsit præter alia, de *Inremento* Ord. sui lib. 1. Claruit an. 1220.

Didacus Coria Hispanus, multa scripsit, quorum aliqua in lucem emissa, Ecclesiam & Religionem illustrent, inter quæ clarissimum extat opus, cui titulus: *Ditucidarium* siue *Demonstratio* *Chronicorum*, & *antiquitatis* *Ordinis Carmeli*, vndecim libris comprehensum. Quorum *primus* *Isagogicus* est. siue *introducitiuus*. *Secundus* *Apologeticus*, in quo respondetur *obiectionibus* *Aduersariorum*. *Tertius* varias recenset *persecutiones*, quas ab initio vsque ad hæc tempora, pertulit *Marianus* ordo.

ordo. *Quartus* nonnullorum Prophetarum *Eliam* præcedentium actus describit. *Quintus* continet magni Patris *Elia* vitam, & illustra facta, atq; eorū, quos sacer iste Propheta primus omnium, in monte *Carmelo* sub perfecta Religiosæ vitæ forma, secundum tria essentialia Religionis vota, instituit, &c. *Sextus* complectitur vitam *S. Elisei* & *Filiorum prophetarum* nec non eorum omnium, qui in prophætico *S. Elia* ordine claruere vsque ad tempora *S. Ioannis Baptista* præcursoris Domini. *Septimus* describit primum Religionis Carmelit. statum sub lege gratiæ, a *B. Enoch ab Amatim* Generali vsque ad Magnum Antonium. *Octauus* enarrat primam Ordinis huius reformationem a *S. Antonio* Abbate factam, præterea de discipulis Magni Antonij, & alijs Reformatoibus *Elianæ* Familiæ, cœnobijsq; eiusdem differit. *Nonus* secundam a *S. Basilio* Reformationem complectitur, & vitam eorum qui sub ea florere. *Decimus* mutationem ordinis de monachali ad mendicantium statum delineat: insuper inconcussam probat successionem vsque ad transmigrationem de terra sancta in Europam. *Undecimus* ea omnia refert, quæ iuxta temporum lapsus in Religione prædicta euenere, vsque ad mitigationem ab Eugenio IV. factam an. 1431. Præterea edidit de *Sanctis Ord. sui* lib. 1. Item pro Tertiarijs Ord. Carmelit. librum alterum, in quinque tractatus diuisum in primo agitur de antiquitate ordinis *S. Elia*. In secundo commentatur *B. Alberti* Patriarchæ Regulam. *Tertius* continet pro Tertiarijs admonitiones. In quarto describuntur vitæ aliquot Sanctorum Tertij Ord. Carmel. In quinta priuilegia & indulta Apostolica. Prodiit liber *Hispali* an. 1592.

Elias à *S. Theresia* Belga, edidit *Legationem Ecclesia Triumphantis ad militantem*, in duos Tomos distributam. In quo opere complura tractat, oblati occasionibus, de antiquitate, excellentijs, reformatione & *Sanctis Ord. Carm.*

E

Emmanuel Roman Hispanus, scripsit in signe opus, cui titulus: *Elucidationes varia antiquitatis, dignitatis, & illustrium Carmeli scriptorum*, libr. II, comprehensum & bis prælo commissum Matriti. In quo multa lectu dignissima adducuntur.

B. Enoch Patriarcha Ierosolymitanus, scripsit vitam *S. Angeli* martyris.

Franciscus à S. Angelo Hispanus, edidit vitam *Sanctorum & Virorum insignium Ord. sui*, libr. I, *Compendium privilegiorum & gratiarum Ordini suo concessarum*, libr. I. Scripsit etiam eiusdem *Ordinis Chronica*. Floruit an. 1599.

Franciscus Berthet Gallus, Doctor Sorbonicus, scripsit opus quoddam de *Confraternitate sacri Scapularis B. Mariæ de monte Carmelo*. Item edidit Parisijs vitam *S. Andrea Corsini Carmelitæ*, & *Episcopi Fesulani*.

Franciscus à S. Elia Hispanus, edidit doctissima *Commentaria in Regulam primitivam Ord. sui Carm.*

Franciscus à S. MARIA Hispanus, Historiographus *Discalc.* emisit in lucem Tomum primum *Annalium Ord. sui*, sub titulo *Historia prophetica*, aliaq; emittere pergit.

Franciscus Martini Cathalanus, scripsit librum cui titulus, *Compendium gloria Carmelitarum*. Item *Apologeticon pro immaculata B. Mariæ Virg. Conceptione*. Obijt *Barcinone* an. 1390. multorum *Authorum* elogijs clarus.

Franciscus à Paze Hispanus, scripsit *Chronica Ord. sui*. Item de *Elia Propheta*, *Carm. Ord. Patriarcha theses*, quibus complectitur quicquid ad esse naturale & supernaturale eiusdem spectat.

Franciscus Voërsius Italus, scripsit *Ordinis sui Chronicon*, vulgo *Chronicon Cherasci*. vitam *Henrici Syluij Prioris Generalis Ord. sui*. Item *Tractatum de sacris imaginibus B. Mariæ Virg. miraculis claris*, in *Templis Carmelitarum*, *Catalogum omnium*

omnium Generalium Ord. eiusdem : præterea librum inscriptum Italicè : *Giardino de Tesori spirituali della Religione della gloriosa Vergine Maria del Carmine.*

Genesius Rosanus Lombardus, scripsit Encomium ordinis Eliadum, id est, Carmelit. lib. 1. an. 1564.

Gerardus Sayus Tolosanus, edidit de Confraternitate Carmelitana lib. 1.

Guilielmus Champcheurieux Gallus, edidit Parisijs opus quoddam, de *Antiquitate & priuilegijs Ordinis sui*, & alia quædam.

Guilielmus Conuentriensis Anglus scripsit, præter alia complura, de *laude sua Religionis* lib. 2. *De Aduentu Carmelitarum in Angliam* lib. 1. *Scutum Carmelitarum* lib. 3. *De Regula & eiusdem confirmatione* lib. 1. *Annales breuiores* lib. 1. *Compendium Historiarum* lib. 1. mortuus est Conuentriæ circa an. 1360. de eius scriptis hæc inquit Pitæus: *Omnia eius scripta sonant elegantiam, redolent pietatem, ut ab animo religioso scientijs insigniter instructo, profecta videantur.*

Guilielmus Grenaus Anglus. Hic, teste Pitæo, cum esset doctus, industrius, & honoris Ord. sui studiosissimus, ferè totam peragrauit Angliam, ut ex Bibliothecis res gestas illustrium Virorum sui potissimum ordinis scrutaretur, & in vnum corpus colligeret, ac posteritati mandaret. Lectis igitur super hac materia multis historijs, opus tandem egregium compilauit de Sanctis Ord. sui, cui nomen indidit, *Hagiologium Carmelitanum.* claruit an. post Christum natum 1430.

Guilielmus Samucus quem alij Gallum alij Syrum fuisse volunt, montis Carmeli eremita, Acone Syriæ vrbe à Saracenis pulsus, in Cyprum transijt, scripsitque de *amissione Monasteriorum terra Sancta, & multiplicatione sui Ordinis per Europam*; itemque in *Regulam sui Ordinis.* Viuebat an. 1280.

Heliodorus à Cremona, scripsit *Commentariorum in Regulam Alberti* lib. II. claruit an. 1470.

Henricus Marionouvensis Germanus, Episcopus, scripsit *Historias Ordinis sui Carmelit.* lib. I. Et alia quædam. Floruit circa an. 1440.

Hieronymus Berghamus Lombardus scripsit, teste Thoma a Iesu, heroico carmine mirificam vitam & illustria facta *S. P. Alberti Drepanensis* lib. I. Vixebat an. 1470.

Hieronymus à matre Dei, alias *Gratianus*, scripsit præter alia quamplurima, de *fundatione, antiquitate, & successione Ord. sui ab Elia propheta*, cum *Commentario in Regulam primitiuam Carmelitarum. Flores Carmeli*, ubi de *Discalceatorum congregationis fundatione* agit. *Nouitiatum Discalceatorum Carmelit. Chronographiam Carmelitana. Dialogum de Ordinis statutis. Dialogum inter Angelum & Eliseum. Altare Elia. Aratrum Elia. Antrum Elia. &c.*

Hieronymus Tonstatus Bœticus, scripsit de *viris & fœminis illustribus Ord. sui*, lib. I. Floruit an. 1581.

Ildephonsus à Iesu Maria Præpositus Generalis *Discalceat.* præter alia permulta, quæ de Ordine suo edidit, collegit in volumen vnum, *Priuilegia Apostolica eidem concessa*, quod in lucem prodijt *Visecæ* in Hispania.

Ildephonsus à matre Dei, edidit *Indicem scriptorum Ord. sui.*

B. Ioannes XLIV. Patriarcha Hierosolymitanus, scripsit ad instantiam *S. Caprasij Abbatis montis Carmeli*, & sui in generali præfectura eiusdem Ordinis successoris, *librum de institutione primorum Monachorum in lege veteri exortorum, & in noua perseverantium*, id est, *Carmelitarum*. Floruit temporibus *Arcadij & Honorij Imperat.*

Ioannes de Bachone, cognomento *Doctor Resolutus*, Anglus, scripsit *Traçtatum de suo Ordine*, lib. I. *Speculum Carmelitarum*, lib. I. in *Regulam Carmelitarum*.

litarum, lib. i. *Compendium iurium eorundem*, lib. i. in omnes quoque sacrae Scripturae libros, in vniuersam Philosophiam & alia quamplurima. Obijt Londini circa an. 1346. Incomparabilis huius Viri virtutes, omni laude maiores, mirifice extollit *Ioannes Pitseus* in Catalogo illust. Angliae Scriptorum & alij, quos ipse ibidem citat.

Ioannes Baptista de Lezana Hispanus, scripsit egregiam *Ordinis sui Chronologam Historiam*, ab ortu magni *Eliae Carmelitarum* protoparentis vsq; ad haec tempora. Item de *Monachatu in Carmelo S. Ioannis Baptiste*. Epigrammata pro festis, ferijsq; SS. *Virg. Theresia*, & alia permulta.

Ioannes de Ciminetho Gallus scripsit, teste *Posseuino*, *Speculum institutionis Ordinis sui*. lib. i. & alia quaedam.

Ioannes Gerbrandus, *Leidanus Carmelitarum Harlemsium* apud *Batauos Prior*, praeter *Hollandiae Chronica*, *Historiam Ordinis sui* libris x. complexus est, teste *Ioanne Molano* in *Bibliotheca Belgica* quae apud me extat manuscripta. Obijt *Hailemij* an. 1504.

Ioannes Gluelus Germanus, scripsit *Speculum Ordinis sui*, Et alia multa. Claruit *Coloniae* an. 1377.

Ioannes de Gouda, edidit praecclarum quoddam opus *Scutum Carmelitarum*, in scriptum.

Ioannes Grossin Tolosanus, *Prior Gener. Carm.* scripsit *Viridarium sui Ordinis*, siue, de *Ordinis sui institutione ac progressu*, libros iii. cum *Philippi Ribotti* libris olim excusos. Item de *Viris illustribus Ord. sui* lib. i. & de *sanctis Ordinis* lib. i. Et alia non pauca. Obijt an. 1424.

Ioannes de Hildesheim Germanus, qui fuit *S. Petro Thoma Patriarchae Constantinopolit.* familiarissima coniunctus amoris necessitudine, scripsit, praeter alia quamplurima, *Defensorium sui Ordinis*, lib. i.

Ioannes Hornebius Anglus, scripsit *Defensorium antiquitatis Ordinis sui* libr. II. *Determinationes solemnes pro Carmelitis* lib. I. pro adepto triumpho contra æmulos antiquitatis Ord. sui, lib. I. qui incipit, *Datus est mihi decor Carmeli*. Claruit an. 1374.

Ioannes à Iesu Maria, Præpositus Generalis Discalceat. edidit *vitam S. M. Theresia* lib. v. comprehensam, & alia permulta in tres Tomos distributa.

Ioannes de Malinis, scripsit *Speculum historiale Ord. Carmeli*, in x. libr. distinctum; cuius initium est, *In diebus Achab Regis*.

Ioannes Maria de Polucijs Italus, Doctor Bononiensis, edidit librum inscriptum *Vexillum Carmelitarum*. Item *Mare magnum Ordinis eiusdem*, in quibus magnalia Carmeli solita dicendi perstrinxit dexteritate. *Vitam quoque & miracula S. Alberti Drepanita Carmelit.* Claruit an. 1499.

Ioannes de monte conscripsit anno 1548. *vitam B. Franciscæ Ambrosiæ Carmelitanæ, vtriusque olim Armoricæ Ducissæ*.

Ioannes Oudenius Germanus, composuit elegans *Chronicon sui Ordinis*, in quo sanctiores Ordinis viros, recenset; initia quoque Religionis & progressus eiusdem apertæ lectionis modulo aperit, & omnes Generales Ord. Priores à primo, vsque Pontium Raymundum, siue Raynandum describit. Claruit an. 1482.

Ioannes Pelisse Gallus, edidit de Confraternitate B. Mariæ semper Virg. de monte Carmelo, lib. I.

Ioannes Paleonydorus Batauus, scripsit *Fasciculum tripartitum sui Ordinis*, in quo de antiquitate & sanctimonia Eremitarum montis Carmeli differit, libr. III. *Dialogum inter Carmelitam & Carthusianum*, lib. I. *Propugnaculum Carmelitarum* lib. I. *Vitas sanctorum Ordinis sui* lib. I. Item *Commentariorum in prophetiam S. Cyrilli*, lib. I. Et alia non pauca. Floruit an. 1495.

B. Ioan-

B. Ioannes Soreth Normannus, Prior Generalis Carmelitarum, scripsit in Regulam Ord. sui celeberrimum Commentarium *libr. 11.* Item Constitutionū Ord. sui *lib. 1.* & alia permulta. Claruit ab. 1461. quem Ioan. Trithemius subiecto commendat elogio: Fuit, inquit, in diuinis Scripturis doctissimus, & secularis Philosophia non ignarus, subtilis ingenio & dulcis eloquio, vita & conuersatione deuotus, & singulariter Religiosus & sanctus, Carmelitici ordinis decus, gloria & splendor; qualem nostra secula raro viderunt, rarius cernent ventura: totus Deo deditus, totus lectiōni & orationi intentus, contemptor mundi, norma & speculum conuersationis monastica, & angelica sectator puritatis, virtutum custos, vitiorum hostis acerrimus. Haftenus Trithemius. M. Rolandus Brito Dominicanus cum percepisset P. Ioan. Soreth, in Generalem electum dixit: Elegerunt Carmelita in Priorem Generalem sui Ordinis, praestantissimum sacerdotem Ecclesiae Dei. Sed his maiora sublimioraq; de tanto viro (vt refert Autor vitae eius) dicere non est veritus, Brugmanus quidam e Franciscana Familia, qui in solempni quodam sermone ad suos pro comitijs Generalibus congregatos: Pater Sorethius, ait, ouium sibi commissarum vigilantissimus Pastor, vir utique iuxta cor Dei, dispensator fidelis, non sui tantummodo Ordinis lumen, columenq; sed reliquorum in super mendicantium praesidium, & immobile fundamentum. Facisses, o vtinam Deus immortalis, vt talis tantusq; vir regenda Minorum familia nobis à tua misericordia concederetur. Quam felici cursu fluerent res nostrae; quam admirabili incremento floresceres, mea amantissima Religio. Hæc ille.

Ioannes Trissa Gallus, scripsit de magistris Generalibus Ordinis sui *lib. 1.* Et alia non pauca, obiit an. 1363.

Ioannes Tuaut Aquitanus, scripsit Stimulum deuotorum erga B. MARIAM Virg. de monte Carmelo.

Item

Item *Commentariorum in Regulam sui Ord.* lib. I.
Ioannes de Victoria Lusitanus, edidit *Hierarchiam Carmelitanam. Conciones de Sanctis sui Ordinis.* Vitam venerab. *P. Ioannis Sanzij*, item venerab. *Petri Cernouichij* Macedoniae Principis, & aliorum aliquot Carmelitarum sanctitate conspicuorum.

Ioannes de Vineta Armoricus, scripsit præter alia complura *Chronicon sui Ord.* Floruit an. 1348.

Iosephe à Falconibus Italus, edidit *Chronica sui Religionis.* Viuebat an. 1591.

Iosephe à Iesu Maria Hispanus, edidit vitam *Vener. P. Ioannis à Cruce*, primi Carm. Discalc. lib. III. item vitam *Vener. F. Francisci à puero Iesu*, lib. III. Scripsit etiam præter alia non pauca *Annales sui Religionis* in aliquot Tomos distributos.

Iulianus Guingantius Theologus Parisiensis, patria Briensis, è Rosæo oppido, elegantibus versibus latinis ac gallicis *Originem ac progressum sui Ordinis* complexus est: qui hodieq; leguntur Parisijs in Peristylio Carmelitano. Utrosq; nuper restituit & vulgavit *Maturinus Pigneroneus*. Obijt *Guingantius* an. ferè 1555. Bellouaci in D. Luciani sepultus.

Iulianus Hursatus Hannonius, edidit *Thesaurum ordinis Carmelitarum*, lib. I. *Fontem Eliæ prophetae*, hoc est, *de origine & progressu, ac Viris illustribus & sanctis Ord. sui*, lib. I. claruit an. 1525.

Laurentius Burellus Gallus, scripsit, *Trithemio* teste, opus egregium de laudibus magni vatis *ELIÆ*, quod *Heliaden*, inscripsit. Item de *Viris illustribus Ord. sui*, lib. I. Viuebat an. 1494.

Leo à S. Ioanne Gallus, edidit *Typum*, seu *Picturam vestis Religiosæ*, qua distinctè repræsentatur & antiquorum tam in noua, quam in veteri lege Monachorum multiplex habitus, & potissimæ Rationes, ob quas Carmelitæ Pullo, seu Griseo-nigro colore natiuo in vestibus vtuntur.

Ludouicus Iacob à S. Carolo Burgundus, scripsit, præter alia quamplurima, *Bibliothecam Carmelitanam.*

Ludo-

Ludovicus Perrin' Gallus, edidit *Apologiam* pro FF. Carmelit. militantibus sub Regula S. Alberti Patriarchæ Ierosolymitani, &c.

Ludovicus à *Præsentatione*, alias *Mertola*, Lusitanus, scripsit vitam Ven. P. *Stephani à Purificatione*. Item vitam S. *Mariae Magdalene de Pazzis*. Et alia quædam.

Marcus *Xaverius* alias *Guadalaxara* celtiber, edidit *Catalogum Sanctorum Ord. sui Carmelit.* *Catalogum indulgentiarum & gratiarum eidem concessarum.* *Thesaurum spiritualem Ordinis Carmelei*, in quo concinno & breui calamo, multa Carmeli perstrinxit encomia. Item scripsit stupenda vitæ & mortis facinora S. *Mariae Magdalene de Pazzis Florentinæ lib. III.* Et *Apophthegmatum eiusdem sapientissimæ Virginis collectionem lib. I.* Et alia permulta.

Martinus Italus Oratorum sui sæculi lumen, conscripsit *Tractatum de titulo, Sanctis & Doctoribus ordinis sui*; cuius initium est *Etsi dicendi*. Viuebat an. 1540.

Michael Ciminetus Gallus, scripsit *Speculum institutionum ordinis Carmeli*. Et alia quædam. Clauit an. 1470.

Michael à Fonte Hispanus, scripsit, præter alia multa, *Compendium historiarum Ord. sui.* de *Mirandis B. Mariæ Virg. de monte Carmelo, lib. I.* de *Illustribus viris ac fœminis Ord. sui, lib. I.* de *Regula & modo viuendi Fratrum tertij Ordinis B. Mariæ Virg. de monte Carmelo, lib. I.* de *Bulla sabbatina Carmelitæ concessa*. Item de *Corpore & Spiritu &c.* Eius sepulchrum hoc ornatur Epitaphio:

Hic iacet Ven. P. F. MICHAEL à FONTE, CARMELI filius, multorum in Christo filiorum Parens, virtutibus clarus, animarum zelo flagrans, pœnitentia informatus, assidue orationi & contemplationi deditus; Floruit regnantibus Philippo II. III. & IV. Obijt die XVII. Novemb. anno ætatis suæ LII.

Michaël

Michael Munozius Hispanus, edidit Romæ opus infigne cui titulus, *Propugnaculum Elisæ & propaginis Carmeliticæ*, in quo acri omnigenæ eruditionis stylo, *natura, origo, & protoparentes Monasticæ* vendicantur, atque ad concionatorum vota, scripturæ monumentis, ac selectis Patrum lucubrationibus illustrantur.

Monaldus de Rosarijs Aquitanus, scripsit vitam *S. Simonis Stock Carmel.* Item *Officium eiusdem.* Et alia quamplurima. Obijt Burdegalæ an. 1509.

Nicolaus Aurificus Italus, edidit *Summarium Indulgentiarum & gratiarum Confratrum & Sororum Ord. sui.* an. 1592. item *Institutionem Carmeliticam*, in qua dialogisticè Ordinis Regula exponitur. Vitam *S. Elisæi Carmelitarum Ducis* secundæ. Vitam *Thomæ VValdensis*, hæreticorum mallei. *Historiam quoque Carmeliticam*, & alia complura quæ recenset *Poffeuinus Tom. 2. Appar. sac.* Viuebat an. 1592.

Nicolaus Cantilupus, illustri Demetarum Comitum prosapia natus in Cambria, Patrem habuit *Guilielmum Demetiæ Comitem.* De qua etiam familia fuit *Thomas ille Cantilupus sanctissimus Herefordensis Episcopus*, à cuius sanctitate, ut Autor est *Lelandus & Piræus*, minimè degeneravit hic *Nicolaus*, illi factus similis imitatione, cui propinquus fuit sanguine. Cantabrigiæ *S. Theologiæ* Doctor creatus est. Scripsit *Encomium Ord. sui*, lib. 1. cuius initium est *Fratr. Carmelit. honesta conuersatione.* Obijt an. 1441.

B. Nicolaus Gallicus Prior Gener. Carm. scripsit, inter alia, volumen infigne, quod prænotauit *Sagittam igneam* in quo flebilem Ord. sui statum, multis deplorat gemitibus; quod Aconensi Orientis vrbe nobili à Saracenis expugnata atque euerfa, monasterium in *Carmelo*, quatuor inde milliaribus situm antiquitus, fuerit ab eisdem concrematum, Monachiq; interfecti, atque ordo ex Oriente ablegatus. Claruit an. 1270.

Nicolaus Kentonus Anglus, S. Theologiae Doctor Cantabrigiensis, & Ord. sui Carmel. per Angliam Prouincialis vigesimus quintus; praefuit per annos duodecim, & habuit in sua Prouincia plusquam mille quingentos Fratres. Vir fuit, teste *Pit/zo*, omni virtutum & scientiarum genere instructissimus. In Poesi & Rhetorica bene versatus, acutus Philosophus, Theologus insignis. Scripsit complura de *gesu Sanctorum, & antiquorum & recentium*, praesertim *sui Ordinis*. Item *in historiam S. Elisai Propheta* lib. 1. Pro commemoratione solemnii B. MARIAE Virg. *de monte Carmelo*, lib. 1. *Vitam S. Cyrilli Carm. Doctoris graeci* lib. 1. *Precationes ad Sanctos sui Ord.* lib. 1. Et alia quamplurima. Londini sanctissime diem extremum obiit 4. Septemb. an. 1468.

Nicolaus de Linna Anglus, scripsit pro Ord. suo Carmel. lib. 1. Et alia non pauca, praesertim de Astrologia, fuit enim Astrologorum sui temporis Princeps. Claruit an. 1370.

Nicolaus de Luca Italus, conscripsit *Victoriale Carmelitarum*, in quo firmissime confutat sententias eorum, qui titulo Mariano, omni iure ordinis Prophetico debito, & origini ab *Elia & Elisao* deductae, detrahere tentant. Floruit an. 1378.

Nicolaus Simonis Batauus, scripsit *Historiam Ordinis sui*, lib. 1. *vitam S. Cyrilli*. Et alia permulta, quae recensent *Possuinus & alij*. Claruit an. 1495.

Paulus Bonetus Gallus, scripsit, teste *Thoma à Ies v.* venustissimum viridarium, vbi de ortu, fructibus & floribus suae Religiosae *Heliadum* militiae, venustissime tractat, lib. 111. quibus titulus est *Viridarium mundi*. Florebat an. 1410.

Petrus Brunius Celtiber, scripsit de *Institutione Ord. sui Carm.* egregium opus, cui initium est, *Vetustissimorum*.

Petrus Collongues Gallus, Tholosanae vniuersitatis Doctor ac Professor ordinarius, edidit *Thesaurum spiritualem sacri habitus B. MARIAE Virg. de monte Carmelo*.

Petrus Garnengius Armoricus, scripsit, præter Historias Ecclesiasticas, de *Rebus Ord. sui* lib. 1. Et alia quædam. Viuebat circa an. 1490.

Petrus Lucius Belga, scripsit *Commentarium Carmeliticum*, ab ipso sæpe in *Bibliotheca sua* citatum. Item edidit *Compendium historicum Ordinis sui*, cum indulgentijs & priuilegijs eidem concessis; quod postea a *Francisco Minuccio* Carmelita, in Italicum idioma translatum, recusum est Florentiæ, anno 1595. *Bibliothecam Carmelitanam*, siue, de *illustribus Scriptoribus Carmeli. De laudibus Carmelitarum* opellam. *Compendium Apostolicorum indultorum* pro Carmel. *Apologeticon* pro lib. *Trithemij Abbatis* de laudibus Carmelitarum. Obijt Bruxellis anno 1602.

Petrus Royuela Hispanus, edidit de *Origine & quatuor prerogatiuis Ordinis Carm.* Tract. Item de *gratijs*, quibus illum Romani Pontifices illustrarunt, lib. 1. *Compendij indulgentiarum* lib. 1. Ac de *Confraternitate sacri Scapularis S. Mariæ Virg. & Carmeli* altricis. Florebat an. 1585.

Petrus Thomas Saracenus Italus, Doct. Theolog. Colleg. & S. Inquisit. Consult. Bonon. edidit *Memorlogium Carmelitarum*, in duas distributum partes, quarum *prima* Memoranda continet acta Sanctorum, quos ritu solemniori, vetustus Eremitarum ordo B. Mariæ Virg. de monte Carmelo, Apostolica autoritate, per vniuersum Orbem annue colit. *Alter*, antiquata quædam, sed auspice Deo, reuimenda eiusdem instituti festa, ob oculos, vna cum notis ponit. Item scripsit *Tripartitos Ordinis sui Carm. Annales*, in quibus omnes Ordinis annui progressus, ab *ELIA* primo Patre & Fundatore vsq; ad *S. Ioann. Baptistam*, & à *Ioan. Baptista* vsque ad Ordinis confirmationem, accuratè cum Sanctorum eiusdem Ordinis vitis delineantur, &c.

Petrus VVastelius Belga, edidit *Apologiam pro IOANNE XLIV. Patriarcha Ierosolymitano*, eiusq; *sancti-*

sanctitate & in Carmelo monachatu. Item scripsit Promontorium Carmeli, id est, de Ord. sui antiquitate &c.

Philippus à S. Iacobo Hispanus, emisit in lucem Illustrium Scriptorum, & virorum sanctitate & sapientia celebrium, à tempore magni vatus ELIÆ Catalogum. Item scripsit Chronicon sui Ordinis, sed præpeditus communi mortalitatis debito, in lucem edere non potuit. Floruit an. 1594.

Philippus Ribottus Hispanus, edidit de Ordine suo Carm. libros x. in quorum I. agit, de prima Ordinis institutione. In II. de primis eius fundatoribus & professoribus. In III. de locis monasticis. In IV. de Rectoribus eorum & qualiter vixerint antiqua legis Monachi. In V. à quibus fuerint baptizati Carmelita antiquiores & quis eos ad legis gratia notitiam adduxerit. In VI. quare dicantur Fratres B. MARIÆ Virg. de monte Carmelo. In VII. de habitu & eius mutatione, ac antiquitate Ord. Carm. In VIII. de Scriptoribus Regula ac declaratione eiusdem. In IX. de ædificatione monasteriorum Prouincia Syria, & de perditione Terra sancta. In X. de Protectione, exemptione & confirmatione Ordinis. Præterea, teste Trichemio, scripsit de Viris illustribus Ord. sui, lib. 1. Obijt an. 1391.

Philocalus Caputus Italus, edidit præter alia, quoddam opus inscriptum Mons Carmelus, in quo de Ord. sui institutione, sanctis, priuilegijs & alijs ad illum attinentibus pertractat.

Raymundus de Insulis, Prior Generalis Carm. scripsit Apologeticum opus pro Ord. suo. Claruit an. 1297.

Richardus Blitonius Anglus, Doctor Sac. Theologiae Oxoniensis, Ord. sui per Angliam Prouincialis. Vir fuit, teste Pitæo, integritate vitæ, & singulari doctrina clarus, quiq; cum præstantissimis sui sæculi concionatoribus, merito erat conferendus. Eius eloquentiam, feruorem & zelum in sermo-

nibus publicis sæpè admiratus Angliæ Rex Edwardus secundus, hominem vehementer amare & colere cœpit, eumq; tandem sibi à confessionum secretis fecit. Scripsit præter alia multa de *Privilegijs sui Ordinis & aliorum Mendicantium* lib. 1. Cuius initium est, *Cum sanctissimus Pater*. Obijt tandem ætate decrepita Lincolnia an. 1334.

Richardus Lauinghamus Anglus, S. Theol. Doctor & Professor publicus Oxoniæ. Illum Lelandus & alij Angliæ Scriptores miris effereunt laudibus. Fuit enim subtili ingenio, fluente eloquio, acri iudicio. Ad quas naturæ dotes, cum accessisset multiplex scientia, & doctoralis Authoritas, domitorisque celeberrimus effectus est. Eius tempore *VVicleffi* hæresis in Anglia, & *Lollardorum* in Bohemia cepit inualescere, omnem ordinem pervertere, Leges & Reges, Deum etiam & Sanctos contemnere & vilipendere: in quorum erroribus refutandis, & præcipiti audacia comprimenda multum adhibuit industriæ, magnos pertulit labores, insignem demonstravit doctrinam, incredibilem ostendit zelum, ingentem denique fecit fructum. Hos tanquam iuratos Dei inimicos, & capitales Ecclesiæ hostes, perfecto odio odit, hos disputationibus publicis frequenter oppugnauit, imo viriliter expugnauit. Hos in Concionibus vehementer agitauit. Hos libris, scriptisque euidenter confutauit, condemnauit, profligauit. Quibus nominibus mirum in modum charus erat Regi *Richardo II.* cui fuit à confessionum secretis, uti & *Simoni Sudberio* Cantuariensi Archiepiscopo. Emisit in lucem copiosum librorum numerum, inter quos extat de *Fundatione Ordinis sui Carmel.* lib. 1. Claruit an. 1381.

Robertus Balans Anglus, scripsit *Historiam magni uatis ELIÆ Ord. sui fundatoris. Officium S. SIMONIS Angli Carm.* *Annales Ord. sui ab anno Orbis conditi 4186. usq; ad seculum suum.* Et alia his similia. Obijt Burnhamiæ an. 1503.

Robertus Ormeskircus Anglus, S. Theol. Doctor Oxoniensis, edidit contra quosdam obrectatores librum, pro Ord. sui dignitate atq; etiam antiquitate propugnanda, vbi probavit suam Regulam in monte *Carmelo*, & ab ipso *Elia Thesbite* originem sumpsisse. Titulum operi præfixit: *Propugnaculum seu defensorium Ordinis Carmelit.* incipit, *Romani Pontificis & iura Can.* Obijt Oxonij circa an. 1382.

Sibertus de Beka Teutonicus, scripsit considerationes super Regulam Ordinis sui Carm. lib. 1. Et alia per multa. Viuebat an. 1310.

Simon Gallus Lusitanus, edidit Vlyssiponæ anno 1572. *Chronicon Ordinis sui.* Item *Commentaria in Regulam S. Alberti Patriarchæ, & Apologiam pro Carmelitis.*

S. THERESIA à IESU, *Carmeli Restauratrix* scripsit *Fundationes suorum Monasteriorum* lib. 1. Et alia quædam, in quibus cœlestis eius sapientia manifestè relucet.

Theutonicus Lusitanus, scripsit *Epigrammata de laudibus Ord. Carm.* atque *illustrium eius Scriptorum*; & alia non pauca. Florebat an. 1572.

Thomas Aquinas à S. Ioseph Gallus, edidit Parisijs de *Patriarchatu Elia* lib. 1. In quo celeberrimi Ord. Carmel. Patriarchatus sanctiss. vati *Elia* eius parenti tam historicè, quam Theologicè vendicatur; & è re nata Principatus totius monastices eidem Prophætæ adscribitur, & potissima illius decora illustrantur ex SS. Patribus. Item lib. *Apologeticum pro virginitat. S. Elia.* Aliud quoque opus, de *Scapulari eximij Deiparæ Augustissima in Ordinem Carmelit. amoris tessera*, libr. III. In quorum primò agitur de donis vestimentorum in amoris tesseram, ex omni litteratura sacra, Ecclesiastica, profana. In secundò de varijs vestibus, quas Deipara amatoribus suis largita est. In tertio de dono Scapularis, varijsq; eius circumstantijs. Complura alia edere parat.

Thomas Bradleyus Episcopus Norwvicensis, scripsit elegans opus de *Origine Ordinis sui Carmel.* incipit *Isaias Propheta.*

Thomas à Iesu Carm. *Discalceat.* per Belgium Prouincialis, edidit præter alia per multa, *Salimanti- cæ* an. 1599. de *antiquitate & Sanctis Ord. sui.* lib. 11. Item *Expositionem in omnes fermè Regulas SS. Basi- lij, Augustini, Benedicti, Francisci, ac aliorum Or- dinum, præcipuè in Regulam primitiuam Carmeli- tarum.* Hic Vir, (teste P. Leone a S. Ioanne, Iacobo Saliano, Ludouico Miranda & alijs) nostro æuo pari sanctimonia & eruditione Carmelum illu- strauit.

Thomas Scropus nobilissima familia in Anglia natus, claritatem generis, litteris & virtutibus plu- rimum illustrauit. Fuit primum ordinis S. *Benedicti* Monachus, quam regulam, vbi satis austeram sibi non inuenit, ad maiorem aspirans perfectionem, Carmelitarum disciplinæ se submisit circa an. Do- mini 1430. duxit autem vitam in austeritate penè incredibile, populo diligenter prædicans, non ver- bo solum, sed etiam exemplo; extra prædicatio- nem ferè semper cella conclusus. Illum *Euge- nius IV.* ad Dromorensem in Hibernia Episcopa- tum erexit an. 1446. & paulo post in legatione ad Rhodiensis misit. Quantæ autem fuerit doctrinæ, quantoque honore & amore ordinem suum prose- cutus fuerit, ex eius scriptis facile apparet. Nam præterquam quod decem libros *Philippi Ribotti* Catalani de *peculiaribus Carmelitarum gestis*, in anglicum sermonem transtulerit, & *Cyrillo Gar- landio* sui cœnobij Priori dedicauerit, scripsit etiam ad *Ioannem Blacneum* Ord. S. *Benedicti* monachum valde copiose de *antiquitate, dignita- te, & varijs laudibus Ordinis Carmelitani.* Item de *Carmelitarum institutione*, lib. 1. de eodem ordine ad *Eugenium Papam*, lib. 1. *Catalogum Sanctorum eiusdem Ordinis*, lib. 1. *Compendium historiarum &*

iusurium, lib. IX. de *Privilegijs Pontificum*, lib. I. Et
 eiusmodi alia plura. Anno tandem ætatis suæ plus
 minus centesimo in Suffolcensi comitatu viuendi
 finem fecit die 15. Ianuarij an. 1491. non sine san-
 ctitatis opinione.

Thomas Waldensis Anglus, Vir omnibus præ-
 stantioribus animi dotibus, omnibus virtutibus
 præditus & multiplici doctrinæ varietate instru-
 ctus; absoluit enim planè omnibus suis numeris
 illum, quem bonarum litterarum orbem appel-
 lant; consummatus plane Philosophus, consumma-
 tus adeo Theologus. Cuius rei luculento sunt do-
 cumento, insignes illi libri, quos in Aristotelem,
 quos in sacram Scripturam & contra pestifera illis
 temporibus dogmata in *Anglia & Bohemia* gra-
 santia, summa diligentia & incredibili penè labore
 accuratissimè contexuit. Doctrinæ suæ magnitudi-
 ni, totius Christianæ pietatis singulari præstantia
 adeo respondit, vt nescias vtra vtri præponderet.
 Amplissimos honores sæpè oblatos, euangelicam
 paupertatem amplexus, constantissimè recusauit.
 Hunc Illustriss. ille Rex *Henricus V.* diuinas homi-
 nis dotes admiratus, in oculis præ cæteris habuit:
 hunc potissimum ad Pisanum Concilium, quo de
 schismate abolendo, & Ecclesiæ pacificatione age-
 batur, Rex mandauit. Vbi ad schismatis abolitio-
 nem coram Summo Pontifice, *Sigismundo* Impe-
 ratore, ac magno Cardinalium atque Episcoporum
 numero luculentam orationem habuit, & accura-
 tissimè atque solidissimè omnia firmamenta, qui-
 bus *Gregorij & Benedicti* schisma nitebatur, confu-
 tauit, prostrauit, & euertit. Reuersus Ordinis sui
 Prouincialis designatus est. Eumq; mox in sacra-
 tius suum consilium *Henricus* legit, vt nihil maioris
 momenti, in re sacra aut profana inconsulto *Tho-
 ma* obiretur. Legatus deinde a Rege ad Constan-
 tiense Concilium, vbi præclarè suis partibus fun-
 ctus est, atque ad *Ladislaum* Poloniæ Regem &

Michaëlem Prussiae Magistrum, ut eos dissidentes in gratiam mutuam reuocaret. In qua legatione *Vitoldum* Lituaniae Ducem, ad Christum cum populo traduxit, posuitque ibi cum alios omnis Ordinis, tum & suae disciplinae homines, qui sementem euangelicam ibi iactam, ad maiorem maturitatem prouerent. Apud se eum postea quasi unicas delicias *Henricus* Rex retinuit, nec non nisi aegre à suo latere dimisit, in cuius quasi sinu moriens animam efflauit. In magna etiam gratia fuit apud *Henricum VI.* ei que adhuc pene puero fuit a sacris confessionibus: pro cuius postea coronatione solemni Parisijs peragenda, missus in Galliam, *Rothomagi* diem clausit extremum die 3. Nouembri an. 1430. sunt qui tradunt eum, post obitum Pontificio decreto *Diuorum Albo* ascriptum. Illum *Martinus V.* *validum Ecclesiae ensen* nuncupare consuevit. *Andreas Vega* Ord. S. Francisci de obseruantia, *Doctor Salmantinus*, in suis opusculis de iustificatione, eum vocat *insignem haesum Wicleffi impugnatoem*. Et *uberrimum FONTEM* ex quo hauserunt bonam argumentorum suorum partem, penè omnes, qui contra sectam Lutheranam scripserunt. Similia scribunt de illo *Trithemius Abbas*, *Sixtus Senensis*, *Nicolaus Aurificus* & alij. *Alphonfus à Castro* testatur eum ita omnes errores *Wicleffianos impugnasse*, ita fidem orthodoxam defendisse, ut ex multis qui in utroque laborauerunt, nemo uberior, neruosius, solidius utrumque praestiterit. Scripsit incomparabilis hic Vir, multa de Ordinis sui *Carmelit. institutione, Fundatoribus &c.*

Valerius Ximenez ab Embun, ex monacho Carmel. Episcopus Algarensis, scripsit *Stimulum Carmeliticæ deuotionis*, lib. 1. *Formam instituendi Confraternitatem sacri Scapularis*, lib. 1. *Notationes in Regulam S. Alberti Patriarchæ pro Carmel.* lib. 11. *Eruditissima Commentaria in sacras Carmelitarum constitutiones*, lib. 1. de *Viris illustribus Ord. sui*, lib. 1. Et alia quædam.

Wal-

Walterus de Terra noua Normannus, scripsit vitam B. P. *Ioannis Soreth* Prioris Generalis Carmelitarum. Florebat an. 1461.

AVTHORES EXTERI.

A *Brabam Bzouius* Dominicanus, in suis Annalibus multoties agit de Carmelit. Ord. eiusq; sectatoribus.

Ægidius Camartus Ordinis Minimorum Generalis, edidit egregium opus, inscriptum, *Elias Thesbites, siue, de Rebus Elie propheta Carmelitana Religionis Patriarcha*; in quo de ipsius ELIÆ origine, persona, nomine, patria, officio, Religione & alijs, pleraque scitu digna eruuntur, disputantur, constituuntur.

Andreas Duualius Sac. Theol. Professor Regius & Decanus Sorbonicus, scripsit vitam *Ven. MARIÆ ab incarnatione Carmelitana Excalceat.* libr. III. quorum *primus* continet vitæ historiam. *Secundus* heroicæ illius virtutes. *Tertius* miracula & apparitiones post mortem. Excusus est hic liber pluries in diuersis Prouincijs. Item compendio scripsit præclaram vitam, raras virtutes, & scælices obitus aliarum quinque sanctimonialium eiusdem Ord. Carm. Discalc. videl. *Sor. ANGELICÆ à SS. Trinitate, Sor. ANNÆ à Iesu, Diuionensis, S. GENOUERÆ à S. Dionysio, S. MARIÆ à SS. Trinitate, & S. MARIÆ à Misericordia.*

Angelus Manrique Generalis Ord. S. Bernardi Sac. Theolog. Professor & Cathedraicus vespertinus in vniuersitate Salmanticensi, edidit vitam *Ven. M. ANNÆ à IESV Metinensis S. Therese Sociæ, & in propagatione sui Ordinis Coadiutricis, Bruxellensis cœnobij Priorissæ*, admirabili prudentia & sanctitate celebris. Prodiit hoc opus in octo libros diuisum, idiomate Hispanico & Gallico Bruxellis.

Antonius Possuinus Societatis IESV, in suo